

الرد على قصة الأديان ج 1 - هل فكرة الأديان خطأ بمجرد النظر؟

هيثم طلعت

بسم الله الرحمن الرحيم السلام عليكم ورحمة الله وبركاته النهاردة هنرد على افكار الحادية كثيرة جدا اتقالت في فيديو بعنوان قصة الاديان. لكن قبل ما ندخل في الرد انت غالبا مش مشترك في القناة - [00:00:00](#)

يا ريت تشترك في القناة دوس على الزرار الاحمر وبعدين دوس على علامة الجرس علشان تيجي لك كل الاشعارات بكل حلقاتنا الجديدة في البداية احنا بنتعامل مع شخص بيحاول يروج للاحاد بمنتهى الاحترافية وبيحاول يستخدم - [00:00:17](#) كل الوسائل المتاحة له. الوسائل الاعلامية المتاحة له. والامكانيات الاعلامية المتاحة له. علشان يحاول انتاج فيديو يبان احترافي جدا جدا. فبالتالي يساعد في نشر دعوة الاحاد اللي هو غاوز ينشرها - [00:00:42](#)

في البداية انا حابب انبه لنقطة في غاية الاهمية ان مدى احترافية الفيديو ووجود يعني مقاطع كثيرة تشد الانتباه. او مؤثرات صوتية او خلفية موسيقية او شخص لابس بدلة كل ده - [00:01:02](#)

لما بنيجي نتكلم في مسائل الايمان والاحاد كل ده المفروض انه ما يكونش له اي تأثير على مدى اقتناعك بالمسائل اللي هو بيروجها في الفيديو. فبالتالي انا اري ان الشخص - [00:01:20](#)

المفروض يعني انا انا احبي هذا الشخص انا انا ما املكش غير ان انا احبيه واقول له انت بتبذل كل المجهودات الدنيوية اللي تقدر عليها من اجل نصره فكرة معينة. لكن - [00:01:39](#)

الاصل في نصره الافكار يجب ان يكون ان الفكرة دي فعلا قائمة على ادلة وبراهين ولا لا والفكرة دي فعلا منطقية ولا لا والا فكل المؤثرات الصوتية والمقاطع واللبس والخراج والتصوير والصوت والمونتاج كل ده - [00:01:56](#)

ما ياترش على اذهان الناس ان هي تقتنع بان الفكرة دي صح وغلط كويس دي اول نقطة انا حابب اعلق عليها لان لما نيجي نتكلم على فيديو تمن دقائق مليه بالاكاذيب ومليه بالتناقضات العلمية والخطاء العلمية والتناقضات المنطقية - [00:02:18](#)

وبعدين المطلوب من واحد زي حالتي انه يرد على كل الشبهات اللي اثبتت في تمان دقائق برضه وبنفس الجودة ده ده امكانياتي. لكن انا بعتمد على ان المستمع هيعرف يعني يقيس او يوزن الادلة والبراهين - [00:02:41](#)

ومدى منطقية الافكار المطروحة في الفيديو. فبالتالي لن يتأثر باي مؤثرات اخرى. الفيديو محشي بها طيب اول فكرة الشخص ده تكلم عنها فكرة ان الاطفال بيولدوا على دين اباؤهم وان فيه اب بيودي ابنه اللي عنده اربع سنين للمسجد عشان يعلمه الصلاة. وفيه ام هتلبس بنتها اللي عندها خمس سنين الحجاب - [00:03:01](#)

وفي كاهن مسيحي وده الذكر الوحيد ما علينا. والمسيحية. هو طبعا الواقع ان الاسلام هو العدو الاول لاي فكرة باطلة فدايما بيتهم التركيز على على الافكار الاسلامية لكن ما علينا في - [00:03:29](#)

هيعمد طفل في الماية علشان يخليه مسيحي في نقطة في غاية الاهمية يعني الله عز وجل علمنا في الاسلام الحديث القدسي واني خلقت عبادي حنفاء كلهم وانهم اتتهم الشياطين فاجتلتهم عن دينهم - [00:03:49](#)

فبالتالي اه انا هعلم ابني الصلاة. وهلبس بنتي الحجاب. لكن مش هعمل طقس ديني يدخلها الاسلام لان هي اصلا مولودة على الاسلام. والنبي محمد صلى الله عليه وسلم يقول ما من مولود الا ويولد على الفطرة - [00:04:11](#)

فابواه يهودانه او ينصرانه او يمجسانه. اشارة الى ان كل اديان الارض لها طقوس معينة علشان عشان تدخل الدين من بداية ولادتك. انت ما بتتولدش على هذا الدين. الا الاسلام ما فيش طقس ديني اسلامي - [00:04:31](#)

بيدخل الطفل المولود الاسلام لان هو مولود اصلا على ديانة الفطرة. فطرة الله التي فطر الناس عليها. لا تبديل لخلق فبالتالي كل اللي المسلم يقدر يعمل هو انه يربي ابنه على الاسلام مش هيدخله الاسلام كطفل. لكن هيربيه على العبادات الاسلامية - [00:04:51](#)

الملحدين دايمًا بيحاولوا يروجوا لفكرة ان ده نوع من انواع انتهاك حقوق الاطفال بغض النزر عن ان الالحاد يعطي حق لاي حد اصلا او بيّفهم معنى القيمة والحق ما علينا. لكن الفكرة كلها ان لما انا استغل - [00:05:16](#)

براءة ابني وان انا اخده معي المسجد وانا على فكرة ابني عنده سنتين ونص مش اربع سنين وباخده معي المسجد علشان يتعلم الصلاة وانا كنت بفكر في النقطة دي قبل التصوير وانا مش حابب اصطنع - [00:05:36](#)

شعور معين لكن الفكرة كلها ان مهما انت حاولت ان انت تربي ابنك على دين او عقيدة معينة مهما كانت لو ابنك او بنتك مش مقتنعين من داخلهم بصحة ما هم عليه - [00:05:52](#)

فمهما فعلت في الصغر ده مش ضمان او مش شيء يؤكد ان هم هيموتوا على العقيدة اللي انت ربيتهم عليها دي نقطة في غاية الاهمية وبالتالي انا ساعات باخد ابني الصلاة - [00:06:14](#)

وهو ما بيقاش عايز يصلي هو طفل صغير مش فاهم لسه يعني ايه صلاة. ومش فاهم لسه يعني ايه ايمان بالله ومش فاهم يعني ايه واجبات وفروض وهو اصلا لسه مش مش مكلف - [00:06:35](#)

لكن انا بحب ان هو ييجي معي الصلاة. في بعض الاحيان بيبقى حابب يلعب فبيجي يقول لي يا بابا الصلاة وحشة ليه الصلاة وحشة؟ هو عايز يلعب وقتها فبفكر طبعا هو طفل صغير وانا عارف ان هو يعني الصلاة وحشة دي مش معناها اي حاجة سلبية لكن ما هو الا تعبير عن طفل صغير ان انا - [00:06:49](#)

العب وانت جاييني ومقعدني وانا باسمع خطبة وانا لسه مش فاهم اي حاجة من الخطبة. وباشوف الناس بتعمل حركات وساعات باقلدكم انا مش فاهم انا ليه بعمل الحركات دي والفكرة الاساسية اللي بتيجي في دماغي ايه هي؟ - [00:07:14](#)

ان لو ابني ده كبر وما اتعلمش ليه بيصلي وليه بيؤمن بوجود الله؟ وليه هو معتنق الدين الاسلامي؟ بادلة عقلية ومنطقية وبراهين ليه انا بعمل كل ده ومؤمن بكل ده - [00:07:31](#)

ما فيش اي ضمان انه يبقّى على الاسلام. انا قلت قبل كده وباكررها. انا اتعاملت مع مسلمين كثر بكثرة بشكل يعني رمزي اي عدد صغير بالنسبة لي كثير. خمسة ستة عشرة عشرين. بالنسبة لي كثير - [00:07:56](#)

تركوا الاسلام ودخلوا النصرانية وفيه منهم كثير رجع الحمد لله او سابوا فكرة الاديان خالص وبقوا لا دينيين او ملحدين وفي منهم كثير رجع الحمد لله القضية ان كون ان الابن بيتربى على شيء - [00:08:19](#)

ده مش ضمان ان هو هيفضل عليه. فبالتالي الملحدين يريحوا دماغهم بقى من النقطة دي. لان ده امر بيقلق اتباع الاديان اصلا ان لا يوجد شيء يضمن لي ان ابني يتربى مسلم ويفضل عايش مسلم ويموت على الاسلام الا انه - [00:08:37](#)

يكون هو مقتنع فعلا بصحة الاسلام. ومقتنع فعلا بان النبي محمد صلى الله عليه وسلم مرسول من عند الله. ومقتنع فعلا ان القرآن الكريم كلام الله الموحد والذي لم يصبه تحريف. ومتأكد فعلا ان السنة النبوية الشريفة اللي هو بيتبعها ده فعلا كلام منسوب للنبي - [00:08:58](#)

محمد صلى الله عليه وسلم ولم يحرف او لم يبدل او مش تأليف بشر منسوب للنبي وهكذا اصول الاسلام اللي انا كنت اتكلمت عنها وجود الله وحي القرآن عصمة القرآن وحي السنة عصمة السنة - [00:09:18](#)

طيب النقطة اللي بعدها جهل شديد جدا لما الشخص صاحب الفيديو يدعي ان فيه اكثر من اربع تلاف دين لكن الاربعة تلاف دين دول كلهم بيتفقوا وعلى الاتي هو يقول كلها بتتفق في كونها تدعي انها الدين الوحيد الحق - [00:09:34](#)

احنا قسمنا قبل كده الاديان ولما كنت قاعد مع بعض الاخوة في المشروع الفكري اللي احنا بنعمله عن الايمان والالحاد قعدنا نقول احنا نقدر نقسم الاديان ازاى. ففي ممكن تقسيم - [00:09:58](#)

من ناحية الايمان بالله وعدم الايمان بالله فالناس اللي لا تؤمن بوجود اله خارج عن الكون وبعدين في ناس بتؤمن ان الكون والاله

حاجة واحدة وبعدين فيه ناس بتؤمن انه يوجد اله خارج الكون - [00:10:12](#)

وبيتدخل في في امور الكون وانزل آآ كتب بعث انبياء وارسل رسل ده ممكن تقسيم فبالتالي هيبقى عندك الناس اللي ما بيؤمنوش
باله اصلا هيبقوا الملحين واللا قديرين وبعدين الربوبيين دول - [00:10:35](#)

هيدخلوا مع الناس اللي بيؤمنوا بوجود اله خارج الكون لكن لا يتدخل في الكون. فيبقى الربوبيين دول حاجة لوحدهم. وبعدين
اصحاب وحدة الوجوه دول كلهم مع بعض. وبعدين المؤله اليهودية والمسيحية والاسلام. هيبقوا دول متفقين ان في اله -

[00:10:58](#)

الكون وانه بينزل كتب ويبعث الرسل والانبياء كويس فقلنا لآ الربوبيين دول هم في النهاية نفس تفكير الملحين واللاميين ونفس
واقع الملحين واللاميين واللاميين. يبقى هنقسم الاديان ازاى التقسيمات زي ما بيقول الدكتور هيثم طلعت - [00:11:18](#)

يا اما الحاد او لا دينيين لا دينيين واديان وضعية واديان سماوية فبالتالي الاجنيين دول هيدخل فيهم الملحين ما بيؤمنوش باديان
والربوبيين ما بيؤمنوش باديان ولا قادرين ما بيؤمنوش باديان واقع حالهم - [00:11:43](#)

وبعدين الاديان الوضعية هي اللي هيتحط تحتها الغالبية العظمى من الاديان والاديان السماوية اللي هي بتؤمن بوجود اله خارج
الكون والاله ده بيبعث رسل وانبياء وبينزل كتب يبقى دول ومسيحية واسلام - [00:12:06](#)

يبقى دي تقسيم نقدر نقسم به كل اديان العالم. اديان وضعية يعني لا يؤمنون بانبياء ورسل. او ان في اله يختار انبياء وبينزل عليهم
وحي وبينزل عليهم كتب وهكذا اديان وضعية يعني هي نشأت من الارض. اختراع انسان - [00:12:25](#)

والاديان السماوية يعني اللي بيؤمنوا ان دينهم نازل من السماء. من عند الله عز وجل. اليهودية والمسيحية والاسلام بهذا التقسيم لما
تيجي تقول ان الاربعة تلاف دين دول كلهم بيدعوا ان هم الدين الحق هذا باطل. الواقع ان - [00:12:45](#)

لا يوجد من يدافع عن دينه وان دينه هو الدين الوحيد الحق الا الاديان السماوية. وحتى اليهود منفضين للموضوع يعني اليهود واقعي
ما بيدافعوش عن يهوديتهم ولا بيقولوا ان اليهودية هي - [00:13:06](#)

الديانة الوحيدة اللي انزلها الله عز وجل وهو الدين الوحيد الحق. الواقع ان النصارى والمسلمين هم بس اللي عندهم فكرة

الابالوجيتكس. فكرة الدفاع عن دينه واثبات ان دينه هو الدين الوحيد الحق. كون ان انت بتستغفل كل مشاهدينك - [00:13:26](#)

وان انت تقول لهم ان اربع تلاف دين كل الاديان بتدعي ان هي الحق وكلها بتدعي ان هي من عند الله. ايه الهل ده الغالبية العظمى
من اديان الارض اصلا لا تؤمن باله خارج الكون. ولا تؤمن اصلا بفكرة النبوة والرسالات والكتب - [00:13:55](#)

يبقى انت بتستغفل مشاهدينك او انت اصلا جاهل فبالتالي الواقع ان ما فيش غير اليهودية والمسيحية والاسلام هم بس اللي عندهم
فكرة انا ديني هو دين الحق اليهود اصلا ما بيدافعوش عن دينهم. يبقى الواقع ان ما فيش غير النصارى والمسلمين. المسيحية

والاسلام. بس على وجه - [00:14:15](#)

الارض قاطبة هم اللي عندهم فكرة الابولوجيتكس الدفاع عن الدين واثبات ان الدين اللي انا مؤمن به هو اللي من عند الله عز وجل
مسلمين ومسيحيين بس يعني يا ريت الناس تفوق - [00:14:40](#)

من الكم الرهيب من الكاذب اللي بتتقال في الفيديوها المعادية للدين والمعادية للاسلام بشكل خاص المعادية للايمان بشكل عام
المعادية للدين بشكل عام الاديان بشكل عام. المعادية للاسلام بشكل خاص. كم من الكاذب رهيبه - [00:15:03](#)

بتتقال وانا عملت فيديو قبل كده عن نشر الكاذب ان سهل جدا جدا ان انا اكتب سكريبت واقعد قصاد الكاميرا حافظ كم من
الكاذب اقله في خمس دقائق اكبر عدد - [00:15:23](#)

من الكاذب ممكن في اقل وقت ممكن وارفع فيديو. وابقى انا كده بطل من الابطال اللي بيهدم الفكرة اللي انا عمال انشر عنها
اكاذب اي كلام فاضي طيب فيه جزء ثاني بيقول - [00:15:40](#)

ان كلها لها طقوسها بغض النزر عن ان فكرة الاديان قائمة على العبادة. لكن في اديان كثيرة جدا جدا يعني البوذية مثلا البوذية اتباعها
مئات الالاف بالملايين والبوذية قائمة اصلا على الاحاد البوذية لا تقول بوجود الهة ولا تقول اصلا بعبادات - [00:15:58](#)

في اصل الفكرة بغض النظر ان هم يعبدوا بوذا او بيقدسوه لكن هل بوذا ده هو الله المعبود بالفكرة التقليدية لاله ففكرة وجود الطقوس ده اي حاجة اي حاجة ممكن تبقى طقس - [00:16:29](#)

لو انت ملحد ولك تصرفات معينة مخالفة للتصرفات اللي المسلمين مسلا بيعملوها والمسيحيين مسلا بيعملوها. لكن كل الملحدين بيعملوا كده ؟ طب ما ممكن يتقال ان دي طقوس الحادية. ان انت وفقا لايمان - [00:16:54](#)

معين وعقيدة معينة بتتصرف بشكل معين. مش لازم تكون بتسجد وتركع وبتتلو وبتعبد لكن انت بتعمل حاجات معينة في حياتك بشكل عام كل الملحدين بيعملوا بنفس الطريقة او وفقا لنفس الاصول. يبقى دي طقوس اللاحاد - [00:17:14](#)

لما بيقول بقى ان الارباع تلاف دين هو بيقول ان الارباع تلاف دين دول كلهم بيتفقوا في ايه ؟ كلهم بيدعوا ان هم آآ يعني كل دين بيدعي ان هو الدين الوحيد الحق. قلنا ان الكلام ده باطل. فكرة الطقوس ده ليس اشكالا اصلا. اي معتقد على وجه الارض ممكن يكون له طقوسه الخاصة به - [00:17:37](#)

على اساس هنفهم طقوس بمعنى ايه. وبعدين الكذبة الاخرى اللي قالها ان كل اديان الارض بتقول ان المطيع جزاء الجنة والعاصي جزاء النار حسبي الله ونعم الوكيل. يعني ايه الدجل ده - [00:18:00](#)

اني احنا بنقول ان الاديان يا اما لا دينية يا اما اديان وضعية يا اما اديان سماوية الغالبية العظمى من الاديان الوضعية لا تؤمن اصلا بما بعد الموت من بعث وحساب وثواب وعقاب - [00:18:22](#)

يبقى انت بتستغفي المشاهدينك مرة ثانية لو عملنا اكبر اديان على وجه الارض غير اليهودية والمسيحية والاسلام. مش هنلاقي غير بتقول بما بعد الموت من بعث وثواب من بعث وحساب وثواب وعقاب. الزرادشتية - [00:18:41](#)

ومعتقدات مصر القديمة وفي بعض في بعض قدماء العرب في بعض العرب كانوا بيؤمنوا بان في حساب بعد الموت. وفي ثواب وعقاب لكن لو انت بصيت على كل الاديان الاخرى - [00:19:06](#)

البوزية مسلا الهندوسية اي اديان ثانية كبرى عالمية غير اليهودية والمسيحية والاسلام وغير الزرادشتية وغير ديانات مصر القديمة مش كلها طبعا وبعض قدماء العرب دول ست اديان بعينهم من اصول اللي انت مسميهم اربع تلاف دين - [00:19:26](#)

الغالبية العظمى من اديان الارض لا تقول ببعث بعد الموت ولا بحساب وثواب وعقاب كويس اوي يبقى بالتالي مين مين من الاديان المشهورة اللي بيقول بكده ؟ اليهودية والمسيحية والاسلام. هم الاديان الحالية اللي - [00:19:57](#)

ديانات مصر القديمة ما بقتش موجودة. يبقى انت ما عندكش غير في الاديان الحالية اليهودية والمسيحية والاسلام. ودول كلهم تحت باب الاديان السماوية قبائل اديان كلها اللي موجودة على وجه الارض. ما بقاش فيه غير الزرادشتية - [00:20:20](#)

هي اللي بتقول بعث بعد الموت وحسابه ثواب عقاب كل الاديان الثانية بتتكلم في تناسق ارواح تسلسلات معينة ومش عارف مين وحاجات كده عجيبة كلها داخله في اطار ان ما فيش اله بيحاسبك - [00:20:38](#)

وما فيش يعني فكرة ان المطيع جزاؤه جنة خالد فيها ابدًا. وان العاصي جزاؤه نار خالد فيها ابدًا ما فيش الكلام ده في كل الاديان الثانية طيب هنا بيقول بنظرة لهذه الدائرة تكتشف ان هناك شيء خطأ. ايه الخطأ - [00:21:03](#)

ايه الخطأ لو قلنا ان فيه دين بيقول ان هو الدين الوحيد الحق وانه له طقوس وعباداته ونظام تشريعه وكذا وكذا وان اللي يطيع هيدخل الجنة وانه واللي هيعصي هيدخل النار - [00:21:27](#)

ايه الخطأ منطقيا في ده الكلام ده يا اما هو حق يا اما هو باطل. لكن ان انت تقول ان مجرد صياغة هذه بمجرد ببداية النظر ستكتشف انه خطأ انت كذاب - [00:21:45](#)

ده غير صحيح انا لما اعرض عليك على رأي الشيخ احمد السردية الكونية دي ايه السردية الكونية ؟ قال لك فيه ثلاث اسئلة وجودية كبرى من اين جننا ولماذا نحن هنا والى اين نذهب - [00:22:08](#)

كويس دول ثلاث اسئلة وجودية كبرى من اين جننا متعلقة بنشأة الكون ونشأة الانسان لغاية ما الانسان بقى موجود على الارض. وبعدين لماذا نحن هنا اهو موجودين على الارض. موجودين على الارض ليه ؟ وعلشان ايه - [00:22:29](#)

والى اين نذهب ماذا بعد الموت؟ كويس انا لو جيت قلت لك معلومات متعلقة باجابة التلات اسئلة دول. احنا جينا منين ربنا خلقنا
واعد السماوات والارض ومسخرة لنا وكزا وكزا - [00:22:47](#)

خلق ادم على الارض وحكت لك القصة الدينية دي كلها طيب لماذا نحن هنا علشان نعبد الله عز وجل واحنا مكلفين؟ ربنا بيعت انبياء
ورسل بيبغونا الوحي. اللي بيطيع الوحي - [00:23:04](#)

ادخل الجنة خالد فيها ابدأ واللي بيعصي الوحي بيدخل النار. ماذا بعد الموت؟ هي دي الفكرة ان انت بتختبر في الدنيا حاسب على
مدى اختبارك. ففي بعض الموت حياة برزخية بدايتها في القبر. وبعدين في بعث وحساب بناء عليه - [00:23:19](#)

ده الحساب ده فيه ثواب وعقاب. لو انت كنت مطيع للوحي تدخل الجنة خالد فيها ابدأ. لو انت بتعصي الوحي هتدخل النار خالد فيها
ابدا السردية الكونية دي. التصور الخاص باجابة التلات اسئلة دول. من اين جننا؟ ولماذا نحن هنا والى اين نذهب - [00:23:39](#)

ازاي تقول ان بدها النظر ده باطل او ده خطأ. لا ما فيش حاجة اسمها كده انت يعني اجاباتك العظيمة للتلات اسئلة الوجودية دول
من اين جننا؟ ايه هتقول بازلية الكون وده مخالف للعلم - [00:24:03](#)

طيب هتقول ايه بنشأة الكون من العدم؟ وهل العدم ينتج شيء اصلاً وبعدين في نشأة الحياة كيف ستتكم عنه وفي نشأة الانسان
نظرية داروين العشوائية والكزا وبعدين لماذا نحن هنا؟ ما فيش ما لناش اي هدف. واحنا موجودين هنا صدفة فعيش اللي تقدر
تعيشه من - [00:24:23](#)

حياتك وماذا بعد الموت فناء هي دي اجاباتك الوجودية العظيمة. انا هكتفي بهذا القدر في هذا الفيديو هيبقى فيه فيديوهات تانية
نرد فيها على باقي الافكار اللي قالها في الفيديو بتاعه قصة الايمان. ناس كتيرة بتطلب مني ان انا - [00:24:53](#)

في الفيديو لكن الحقيقة المواضيع اللي انا بناقشها صعب صعب ان انا اقولها وانا مبتسم معلش اعزروني. لو كان الفيديو عجبكم لايك
وشير لو مش مشترك اشترك الزرار الاحمر الجرس. اشعارات بكل اعمالنا - [00:25:19](#)

وراجع صفحة القناة علشان تشوف اعمالنا القديمة. لا تنسوا من صالح دعائكم. السلام عليكم ورحمة الله وبركاته - [00:25:39](#)